



Nuuk, 15. september 2010

Inatsisartut suleriaasiat § 36, immikkoortoq 1 naapertorlugu Naalakkersuisunut apeqquteqaat.

Apeqquteqaat:

Naalakkersuisuutitaqartut sunik siunnerfeqarpat Kalaallit Nunatsinnut Nerisassanik Nakkutilliisoqarfiup, Fødevarestyrelse, danskit naalagaaffiata ataaniittup ilaanik nunatsinnut attuumassuteqartunik Namminersorlutik Oqartussanit tiguneqarnissai eqqarsaatigalugit? Naatsorsuutit suut takussutissaappat aningaasartuutit eqqarsaatigalugit Nerisassanik Nakkutilliisoqarfiup ilaata nunatsinnut attuumassuteqartup Namminersorlutik Oqartussanit tiguneqarnissaanik tunaaartaqartoqassappat? Nakkutilliisoqarfiup ilaanik tigusinissamik tunaaartaqartoqarsimappat qaqugu tamanna piviusunngornissaa siunnerfigineqarpa?

(Inatsisartunut ilaasorta, Akitsinnguaq Olsen, Siumut)

Tunngavilersuut:

Suliniutissanik piareersaateqarlutik iliuusissanik pilersaarusioreerlutik suleqataarusuttut nunatsinni innuttaasut akornani suleqataarusuttut arlaliupput, nerisassanik ingerlatsinernut attuumassuteqarfimmi ingerlatserusuttut eqqarsaatigalugit, taakkorpiaallu annertusisamik nunatsinni suliffeqarfinnik aammalu immitsinnut pilersornissatsinnut suleqataalluarusullutik inissisimasut suli pinngorarluartitsissagaluarput ersarinnerusumik Namminersorlutik Oqartussaniit Nerisassanik Nakkutilliisoqarfik ilaannakortumik tigusinissamik qaqugu qanorlu periuseqarnissamik pilersaarutitik saqqummiussisoqarpat. Tamannalu tunngavigalugu apeqquteqaat Naalakkersuisunut maanna ingerlateqqippara.